



Na osnovu člana 6. i člana 63. stav 1., člana 73. stav 1. i 3. Zakona o građevinskom zemljištu Federacije Bosne i Hercegovine ("Službene novine FBiH", broj 67/05), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza, na sjednici održanoj dana 25.10.2007. godine, d o n o s i

ODLUKU **o dopunama Odluke o građevinskom zemljištu**

Član 1.

U Odluci o građevinskom zemljištu („Službeni glasnik Općine Breza“, broj 3/04, 9/06 i 5/07) dodaje se novo poglavlje

– V – „GRAĐENJE BEZ PRAVA KORIŠTENJA ZEMLJIŠTA RADI GRAĐENJA NA GRADSKOM GRAĐEVINSKOM ZEMLJIŠTU“ i novi član 27. koji glasi:

„Na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, Općinsko vijeće će utvrditi pravo vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno građevinsko zemljište na korištenje i za uređenje građevinskog zemljišta.

Naknada za dodijeljeno građevinsko zemljište iz prethodnog stava uvećava se za 100%“, a naknada se odnosi na rentu.

Član 2.

U članu 46. stav 2. iza riječi: „Ostalom građevinskom zemljištu“ briše se tačka i dodaju se slijedeće riječi: „izuzev za zemljište na kome su izgrađeni poslovni objekti“.

U istom članu dodaje se stav 3. koji glasi:

„Svi poslovni objekti koji su izgrađeni na ostalom građevinskom zemljištu plaćaju naknadu za korištenje građevinskog zemljišta u iznosu od 0,120 KM po 1 m² (kao za IV poslovnu zonu)“.

Član 3.

Dosadašnje poglavlje V i član 27. postaju poglavlje VI i član 28. i tako sve redom do poglavlja VIII i člana 59.

Član 4.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-3371/07
Breza, 25.10.2007. godine

PREDSJEDAVAJUĆI:
Općinskog vijeća
Vinko Pandža, s.r.

Na osnovu člana 24. stav 1. Zakona o građevinskom zemljištu FBiH („Službene novine FBiH“, broj 67/05 i člana 27. Statuta Općine Breza („Službeni glasnik Općine Breza“, broj 1/99, 4/99 i 7/99), Općinsko vijeće Breza na sjednici održanoj dana 25.10.2007. godine, donosi

R J E Š E N J E

1. **PREUZIMA SE** od RMU „Breza“ d.o.o. Breza u svrhu privođenja trajnoj namjeni neizgrađeno gradsko građevinsko zemljište, označeno kao:
- k.č.br. 663/11 zv. „Vrba“ upisano u zk.ul.br. 958 k.o. Breza (s.p.), što odgovara k.č.br.1466/30 k.o. Mahala (n.p.) u površini od 9000 m².
2. Preuzimanje građevinskog zemljišta vrši se uz naknadu koja će se odrediti u posebnom postupku određivanja naknade, nakon pravosnažnosti ovog rješenja.
3. Zemljišno-knjižni ured Općinskog suda Visoko će po pravosnažnosti ovog rješenja brisati upis dosadašnjeg trajnog nosioca prava raspolaganja na zemljištu iz tačke 1. ovog rješenja, a izvršit će uknjižbu trajnog prava raspolaganja sa dijelom 1/1 u korist Općine Breza.

O b r a z l o ž e n j e

Urbanističkim planom za grad Brezu predmetno zemljište se nalazi u industrijskoj zoni te je iz tih razloga ova služba pristupila preduzimanju određenih aktivnosti usmjerenih na privođenje trajnoj namjeni zemljišta navedenog u dispozitivu ovog rješenja.

U provedenom postupku utvrđeno je da se predmetno zemljište u zemljišnoj knjizi vodi kao državna svojina sa dijelom od 1/1, a RMU „Breza“ d.o.o. Breza vodi se kao organ trajnog prava raspolaganja.

Takođe, u postupku preuzimanja građevinskog zemljišta u skladu sa članom 24. stav 2. Zakona o građevinskom zemljištu FBiH, izvršeno je saslušanje punomoćnika organa raspolaganja RMU „Breza“ d.o.o. Breza, koji je izjavio da se ne protive preuzimanju predmetnog zemljišta, jer su Federalno ministarstvo za industriju, energetiku i rudarstvo i Nadzorni odbor RMU „Breza“ d.o.o. Breza odobrili preuzimanje predmetnog gradskog građevinskog zemljišta uz naknadu.

Na licu mjesta izvršena je identifikacija predmetnog zemljišta i utvrđeno je da se radi o zemljištu koje je označeno kao k.č.br. 663/11, upisano u zk.ul.br. 958 k.o. Breza (s.p.), koja odgovara k.č.br. 1466/30 k.o. Mahala, u površini od 9000 m².

Shodno članu 69. Zakona o građevinskom zemljištu FBiH, odlučeno je da RMU „Breza“ ima pravo na novčanu naknadu.

Kako su se u konkretnom slučaju stekli uslovi iz člana 24. i 43. Zakona o građevinskom zemljištu FBiH za preuzimanje građevinskog zemljišta iz posjeda nosioca prava raspolaganja, to je riješeno kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Zenici u roku od 30 dana od dana prijema rješenja.

Tužba se podnosi neposredno sudu u dva primjerka.

Ovo rješenje će se objaviti u „Službenom glasniku Općine Breza“.

Broj: 01/1-02-3373/07
Breza, 25.10.2007. godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko – dobojski kanton
OPĆINA BREZA
Općinsko vijeće

Broj: 01/1-02-3372/07
Breza, 25.10.2007.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja revidiranog finansijskog Izvještaja za JP „Komunalno“ d.o.o. Breza za 2006. godinu, Općinsko vijeće Breza na sjednici održanoj dana 25.10.2007. godine, d o n o s i

ZAKLJUČAK

I

Da Općinski načelnik sa predsjedavajućim Općinskog vijeća održi sastanak sa predsjednicima Klubova parlamentarnih stranaka Općinskog vijeća i Nadzornim odborom JP „Komunalno“ d.o.o. Breza u cilju pripreme izvještaja o radu i poslovanju JP „Komunalno“ d.o.o. Breza.

II

Za realizaciju zaključka zadužuje se Općinski načelnik i predsjedavajući Općinskog vijeća Općine Breza.

DOSTAVLJENO:
1x Predsjedavajući OV,
1x Općinski načelnik,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3374/07
Breza, 25.10.2007.godine

Na osnovu člana 50. stav 3. Statuta Općine Breza ("Službeni glasnik Općine Breza", broj: 1/99, 4/99 i 7/99) prilikom razmatranja Informacije o upisu učenika u prve razrede osnovnih i srednjih škola u školskoj 2007/2008 sa Informacijom o uspjehu i vladanju učenika osnovnih i srednjih škola na kraju školske 2006/2007 godine, Općinsko vijeće Breza na sjednici održanoj dana 25.10.2007. godine, d o n o s i

Z A K L J U Č A K

I

USVAJA SE Informacija o upisu učenika u prve razrede osnovnih i srednjih škola u školskoj 2007/2008 godini sa Informacijom o uspjehu i vladanju učenika osnovnih i srednjih škola na kraju školske 2006/2007. godine.

Dostavljeno:

1x Služba za privredu, fin. i opću upravu,
1x Gimnazija „Muhsin Rizvić“ Breza,
1x MSŠ „Mehmedalija-mak Dizdar“ Breza,
1x Osnovne škole x2,
1x 01/1,
1x a/a

PREDSJEDAVAJUĆI

Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3374-4/07
Breza, 25.10.2007.godine

Na osnovu člana 50. stav 3. Statuta Općine Breza, ("Službeni glasnik Općine Breza", broj 1/99, 4/99, 7/99), prilikom razmatranja Informacije o upisu učenika u prve razrede osnovnih i srednjih škola u školskoj 2007/2008. godini sa Informacijom o uspjehu i vladanju učenika osnovnih i srednjih škola na kraju školske 2006/2007. godine, Općinsko vijeće Breza na sjednici održanoj 25.10.2007. godine, donosi

ZAKLJUČAK**I**

Da se uputi inicijativa Ministarstvu za rad i socijalnu politiku Federacije Bosne i Hercegovine, te Ministarstvu za rad, socijalnu politiku i izbjeglice Zeničko-dobojskog kantona o pokretanju postupka u cilju izjednačavanja prava porodica sa djecom na nivou Federacije Bosne i Hercegovine po osnovu socijalne zaštite.

II

Ovaj zaključak stupa na snagu danom objavljivanja u „Službenom glasniku Općine Breza“.

DOSTAVLJENO:

1x Ministarstvu za rad i socijalnu politiku
Federacije BiH,
1x Ministarstvo za rad, socijalnu politiku i
izbjeglice ZE-DO kantona,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3374-5/07
Breza, 25.10.2007.godine

Na osnovu člana 50. stav 3. Statuta Općine Breza, ("Službeni glasnik Općine Breza", broj 1/99, 4/99, 7/99), prilikom razmatranja Informacije o upisu učenika u prve razrede osnovnih i srednjih škola u školskoj 2007/2008. godini sa Informacijom o uspjehu i vladanju učenika osnovnih i srednjih škola na kraju školske 2006/2007. godine, Općinsko vijeće Breza na sjednici održanoj 25.10.2007. godine, donosi

ZAKLJUČAK**I**

Da se sprovede anketa sa učenicima završnih razreda osnovnih škola na području Općine Breza o vrsti zanimanja za koje bi se željeli školovati.

II

Da se u Budžetu Općine Breza za 2008. godinu planiraju novčana sredstva za finansiranje toplog obroka za učenike osnovnih škola nižih razreda koji su slabog imovnog stanja.

III

Za realizaciju zaključka zadužuje se Služba za privredu, finansije i opću upravu Općine Breza.

DOSTAVLJENO:
1x Služba za priv.finan.i opć.upr.
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3375/07
Breza, 25.10.2007.godine

Na osnovu člana 50. stav 3. Statuta Općine Breza, ("Službeni glasnik Općine Breza", broj 1/99, 4/99, 7/99), prilikom razmatranja Informacije o održanoj privrednoj, kulturnoj i sportskoj manifestaciji „Bazenijada 2007“ godine, Općinsko vijeće Breza na sjednici održanoj 25.10.2007. godine, donosi

ZAKLJUČAK**I**

USVAJA SE Informacija o održanoj privredno, kulturno i sportskoj manifestaciji „Bazenijada 2007“. godine.

DOSTAVLJENO:
1x Općinski načelnik,
1x Služba za priv.finan.i opću upravu,
1x Predsjednik Organizacionog odbora,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3376/07
Breza, 25.10.2007. godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja usmene Informacije o vodosnabdijevanju Općine Breza sa izvorišta „Mala rijeka“, Općinsko vijeće Breza na sjednici održanoj dana 25.10.2007. godine, d o n o s i

ZAKLJUČAK

I

DAJE SE PODRŠKA Općinskom načelniku na aktivnostima realizacije projekta „Vodosnabdijevanja Općine Breza sa izvorišta Mala rijeka“.

DOSTAVLJENO:
1x Općinski načelnik,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

S A D R Ź A J

- 135. Odluka o dopunama Odluke o građevinskom zemljištu.
- 136. Rješenje o preuzimanju od RMU „Breza“ d.o.o. Breza neizgrađeno gradsko građevinsko zemljište označeno kao k.č.br. 663/11 zv. „Vrba“ upisano u zk.ul.br. 958 k.o. Breza u površini od 9000 m².
- 137. Zaključak da Općinski načelnik sa predsjedavajućim Općinskog vijeća održi sastanak sa predsjednicima Klubova parlamentarnih stranaka Općinskog vijeća i Nadzornim odborom JP „Komunalno“ d.o.o. Breza.
- 138. Zaključak kojim se usvaja Informacija o upisu učenika u prve razrede osnovnih i srednjih škola u školskoj 2007/2008. godini sa informacijom o uspjehu i vladanju učenika osnovnih i srednjih škola na kraju školske 2006/2007.godine.
- 139. Zaključak da se uputi inicijativa Ministarstvu za rad i socijalnu politiku FBiH, te Ministarstvu za rad, socijalnu politiku i izbjeglice ZE-DO kantona o pokretanju postupka u cilju izjednačavanja prava porodica sa djecom na nivou Federacije Bosne i Hercegovine po osnovu socijalne zaštite.
- 139. Zaključak da se sprovede anketa sa učenicima završnih razreda osnovnih škola na području Općine Breza o vrsti zanimanja za koje bi se željeli školovati.
- 140. Zaključak o usvajanju Informacije o održanoj privredno, kulturno i sportskoj manifestaciji „Bazenijada 2007“.
- 141. Zaključak o davanju podrške Općinskom načelniku na aktivnostima realizacije projekta „Vodosnabdijevanja Općine Breza sa izvorišta Mala rijeka“.

